

Na osnovu odredbi Zakona o političkim organizacijama ("Sl. List SR BiH" br. 27/91), osnivačka skupština NAROD I PRAVDA, na svome zasjedanju dana 12.03.2018. godine, donosi :

**Odluku
o osnivanju političke organizacije**

**Član 1.
(Predmet osnivanje)**

Ovom odlukom osniva se politička stranka (u daljem tekstu Stranka) utemeljena kao organizacija slobodno i dobrovoljno udruženih članova koja djeluje na cijeloj teritoriji Bosne i Hercegovine, u skladu sa svojim Programom i Statutom.

**Član 2.
(Predmet Odluke)**

Ovom Odlukom uređuje se ime i prezime osnivača, naziv i sjedište Stranke, pečat i simbole Stranke, predstavljanje i zastupanje, ciljevi, unutrašnja organizacija, imovina, sticanje, korištenje i raspolaganje sredstvima Stranke, prestanak rada, te druga pitanja od interesa za rad Stranke.

**Član 3.
(Osnivači Stranke)**

Lista osnivača Stranke sa osobnim podacima i njihovim svojeručnim potpisima čini prilog ove Odluke.

**Član 4.
(Naziv i Sjedište Stranke)**

Naziv Stranke je : **NAROD I PRAVDA**
Sjedište Stranke je u Sarajevu u ul **Skenderija br. 5, Opština Centar**

**Član 5.
(Pravni Status)**

NAROD I PRAVDA svojstvo pravne osobe stiče upisanom u registar političkih organizacija koji se vodi pri nadležnom sudu. Stranka u pravnom prometu s trećim licima za preuzete obaveze odgovara vlastitom imovinom a posjeduje svoj žiroračun i devizni račun.

**Član 6.
(Pečat i Simboli Stranke)**

Stranka ima pečat koji je okruglog oblika. Pečat sadrži puni naziv Stranke i njen znak. Pečat teritorijalnih organizacionih jedinica je okruglog oblika koji sadrži puni naziv Stranke, znak Stranke i naziv teritorijalne organizacije. Pravilnik o izgledu i upotrebi pečata donosi Predsjedništvo Stranke.

Stranka ima svoj znak i zastavu. Pravilnik o izgledu znaka i zastave donosi Predsjedništvo Stranke.

**Član 7.
(Ciljevi Stranke)**

U skladu sa programskom orijentacijom osnovni ciljevi Stranke su iskazani u Programskim smjernicama

vraćanje prava narodu i građanima;

izgradnja Bosne i Hercegovine kao demokratske države sa svim njenim ravnopravnim narodima i građanima, poštivanjem osnovnih ljudskih prava bez obzira na vjersku, etičku, rasnu ili bilo koju drugu opredjeljenost i porijeklo;
borba protiv korupcije organiziranog kriminala i terorizma;
vraćanje dostojanstva boračkoj populaciji kroz zapošljavanje i egzistencijalno zbrinjavanje;
stručna, depolitizovana, odgovorna i profesionalna javna uprava, te modernizacija kroz uvoženje novih trendova i tehnologij;
održiv i uravnotežen ekonomski razvoj, visoka zaposlenost i socijalna sigurnost, bolji životni standard i kvalitet življenja;
uvođenje jedinstvenog obrazovnog sistema u Bosni i Hercegovini, usklađenog sa evropskim standardima, deklaracijama i programima kako bi naša država postala dio jedinstvenog evropskog prostora obrazovanja, znanja i nauke;
podsticanje i izgradnja poduzetničkog duha među mladima te njihova afirmacija u društveno političkim zbivanjima;
socijalna zaštita, briga o licima sa posebnim potrebama i djeci sa poteškoćama u razvoju;
ravnopravnost spolova i zaštita žene kao osnovnog stuba porodice;
sloboda medija, nezavisnost i profesionalizam javnih servisa;
organizovana saradnja države sa dijasporom, jačanje međusobne pomoći i podrške;
reforma sistema pružnja zdravstvenih usluga;
razvoj i promocija kulturnih vrijednosti te očuvanje kulturne baštine Bosne i Hercegovine;
razvoj i afirmacija sporta;
zaštita i unapređenje životne sredine.

Član 8. (Ostvarivanje ciljeva)

Stranka svoje programske ciljeve ostvaruje djelovanjem u javnom životu i vršenjem vlasti, oblikovanjem javnog mijenja i drugim oblicima demokratskog parlamentarnog i vanparlamentarnog djelovanja ustrajavajući na poštivanju ustavnosti i zakonitosti.

Član 9. (Predstavljanje i zastupanje)

Stranku u javnom i političkom životu, te u pravnom prometu zastupa i predstavlja predsjednik Stranke.

Za Predsjednik Stranke izabran je Konaković Elmedin iz Sarajeva, nastanjen u ul. Dr. Jusufa Tanovića br. 6. Predsjednik stranku u javnom, političkom životu te u pravnom prometu zastupa i predstavlja bez ograničenja ovlaštenja.

Predsjednik Stranke je ovlašten da Stranku zastupa u postupku osnivanja kao njen Zastupnik, podnese prijavu za upis osnivanja u sudskom registru, preuzme Rješenje.

Član 10. (Princip demokratskog jedinstva)

Unutrastranački odnosi u Stranci se zasnivaju na principu demokratskog jedinstva, koji uključuje:

- poštivanje slobode mišljenja i slobode izražavanja unutar Stranke;
- uvažavanja mišljenja većine i obavezu njihovog ostvarivanja u praksi;
- pravo svakog pojedinca da zadrži i u Stranci izražava vlastito mišljenje pod uslovom da nije u suprotnosti sa programskim ciljevima, principima i ovom Statutom.

Član 11.

(Donošenje odluka)

Organi Stranke punovažno odlučuju kada je prisutno više od polovine od ukupnog broja njihovih članova a Kongres ako je prisutno više od dvije trećine od ukupnog broja delegata. Organi donose Odluke većinom glasova prisutnih članova, osim ako ovim Statutom nije drugačije određeno.

U svim organima Stranke, glasanje se u pravilu vrši javno, osim kad taj organ odluči drugačije. Svaki član Stranke može zatražiti da se određeno pitanje stavi na dnevni red i da nadležni organ Stranke o njemu odluči.

Član 12. (Izbor članova organa Stranke)

Glavni odbor svojom odlukom raspisuje unutarstranačke izbore za sve nivoe Stranke, izuzev izbora članova u organe koji će se na prijedlog Predsjedništva formirati prije zasjedanja prvog Kongresa

Glavi odbor će donijeti Pravila izbornog postupka kojima se utvrđuju kriteriji i postupak izbora članova organa Stranke.

Mandat izabranih članova u organima stranke traje 5 pet godina.

Nosiocu funkcije ili članu u organima Stranke prestaje mandat prije isteka vremena na koje je izabran, prestankom članstva u Stranci, podnošenjem ostavke ili odlukom organa koji ga je izabrao.

Član 13. (Rodna, dobna, nacionalna i teritorijalna zastupljenost)

U organima Stranke na nivou države uvažava se rodna, dobna, nacionalna i teritorijalna zastupljenost, o čemu vodi računa Nadležni organ odlukom o kandidovanju i izboru članova organa Stranke.

Član 14. (Članstvo u Stranci)

Članstvo u stranci može biti redovno i počasno.

Redovnim članom Stranke može postati svaki punoljetan, poslovno sposoban građanin Bosne i Hercegovine koji prihvata ciljeve i principe Stranke, odgovorno izvršava članske obaveze i kod koga ne postoje prepreke u članstvu predviđene ovim Statutom.

Stranka pored redovnih članova može imati svoje počasne članove o čemu odluku donosi Predsjedništvo Stranke. Počasnim članom može postati osoba koja u svom političkom djelovanju podržava ideje za koje se zalaže Stranka i koja je svojim javnim istupima i neposrednim djelovanjem promovirala i podržavala Stranku u zemlji i inostranstvu.

Stranka može okupljati i simpatizere Stranke.

Član 15. (Načela organizacije)

Stranka je organizirana na teritorijalnom principu na području Bosne i Hercegovine. Članovi stranke mogu se unutar stranke organizirati i prema interesnoj osnovi u interesnim organizacijama.

Član 16. (Teritorijalna organizacija stranke)

Stranka djeluje kao jedinstvena politička organizacija na području Bosne i Hercegovine, organizirana na teritorijalnom principu, putem sljedećih organizacijskih oblika:

- Opštinske organizacije;
- Gradske organizacije;
- Kantonale/regionalne organizacije;
- Organi Stranke na nivou države Bosne i Hercegovine

U opštinama, gradovima kantonima i regijama gdje nisu formirane organizacije Stranke djelovat će povjerenici odnosno povjereništva Stranke.

Član 17. (Organi Stranke na državnom nivou)

Organi stranke na državnom nivou su:

- Kongres,
- Glavni odbor,
- Predsjednik,
- Predsjedništvo,
- Nadzorni odbor.

Član 18 (Oblici interesnog oblikovanja)

U stranci se mogu formirati oblici interesnog organizovanja.

Oblici interesnog organizovanja mogu biti:

- Organizacija mladih;
- Organizacija žena
- i drugi oblici interesnog organizovanja koji nisu u koliziji sa principima Stranke.

Interesne organizacije imaju svoja pravila koja moraju biti u skladu sa programskim načelima i Statutom Stranke.

Član 19 (Imovina i finansiranje)

Stranka ima imovinu.

Imovinom upravlja Predsjedništvo Stranke.

Stranka se finansira u skladu sa Zakonom o finansiranju političkih Stranaka.

Za slučaj da Kongres donose Odluku o prestanku rada Stranke, Kongres će na istom zasjedanju odlučiti o imovini Stranke.

Član 20 (Završne odredbe)

Sva pitanja u vezi unutrašnje organizacije i organi Stranke, način njihova izbora i opoziva, kandidiranje i učešće u vlasti, imovini, načinu sticanja, korištenja i raspolaganje sredstvima Stranke, prestanak rada, te druga pitanja od interesa za članstvo i rad Stranke urediće se Statutom.

Član 21 (datum stupanja na snagu)

Ova Odluka stupa na snagu danom donošenja.



Predsjedavajući skupštine

Elvedin Okerić